

臣當與其君校智力之多少計局量之優劣  
必須竟辨乃為之役哉何事非君何使非民  
恥令其君不及唐虞此亦達者之用心也

抱朴子外篇卷之十二

抱朴子外篇卷之十三

欽士

抱朴子曰由余在戎而秦穆惟憂楚殺得臣  
而晉文乃喜樂殺出而燕壞種蠶入而越霸  
破國亡家失士者也豈徒有之者重無之者  
輕而已哉柳惠之墓猶挫元寇之銳況於坐  
之於朝廷乎干木之隱猶退踐境之攻況於  
置之於端右乎鄧都之象使勁虜振懼孔明  
之尸猶令大國寢鋒以此禦侮則地必不侵  
矣以此率師則主必不辱矣是以明主旅東  
帛於窮巷揚滯羽於瘁林飛翹車於河梁關  
四門而不倦不吝金璧不遠千里不憚屈已  
不恥卑辭而以致賢為首務得士為重寶舉  
之者受上賞蔽之者為竊位故公且執贄於  
白屋秦卻拜昌於張生鄒子涉境而燕君擁  
篲莊周未食而趙惠竦立晉文接亥唐脚痺  
而坐不敢正齊佞之造稷丘雖煩繁而不辭  
其勞楚王受荅於保申 簡去甲於公廬彼  
雖降高抑滿以貴下賤終亦弄目以遠其明  
假耳以廣其聰龍騰虎據宜其然也

抱朴子外篇卷之十三